

Թող Տերը խաղաղություն սփռի աշխարհին համայն և գորացնի համեղբայրությունը պետությունների ու ժողովուրդների»:

ԳԱՐԵԳԻՆ Բ ԿԱԹՈՂԻԿՈՍ. «ՄԵՐ ԱՂՈԹՔՆ Է, ՈՐ ՆՊԱՍՏԵՆՔ ՄԵՐ ԺՈՂՈՎՈՒՐԴՆԵՐԻ ԲԱՐԵԿԱՄՈՒԹՅԱՆԸ»

ԼԻԲԱՆԱՆԻ ՆԱԽԱԳԱՆՆ ԱՅՅԵԼԵՅ ՄԱՅՐ ԱԹՈՒ Ս.

ԷԶՄԻԱԾԻՆ

Մայր Աթոռ Ս. Էջմիածին, Տեղեկավարության համակարգ, 3 մայիսի 2001 թ.:

Այսօր հայաստանում պետական այցով գտնվող Լիբանանի Հանրապետության նախագահ, գեներալ Էմիլ Լահուդը փիկնոջ և ուղեկից շքախմբի հետ այցելեց Մայր Աթոռ Ս. Էջմիածին՝ հանդիպելու Ն.Ս.Օ.Տ.Տ. Գարեգին Բ Ամենայն հայոց Կաթողիկոսին:

Նորին Սրբությունը ողջունեց պապավարժան հյուրի այցը հայոց հոգևոր կենտրոն՝ առանձնակի գոհունակությամբ նշելով երկու ժողովուրդների դարավոր բարեկամությունը:

Ի հաստատումն ասվածի՝ Լիբանանի նախագահը փաստեց, որ հայերը, որպես Լիբանանի լիարժեք քաղաքացիներ, իրենց կարևոր ներդրումն ունեն երկրի կյանքում:

«Մեր աղոթքն է, որ նպաստենք մեր ժողովուրդների բարեկամությանը», - ասաց Վեհափառ Հայրապետը:

Հանդիպման ընթացքում խոսվեց Հայաստանում քրիստոնեությունը պետական կրոն հռչակելու 1700-ամյա հոբելյանական տոնակատարությունների մասին, Նորին Սրբությունը ներկայացրեց Հայ Եկեղեցու գործունեությունը:

«1700-ամյակը մեծ իրադարձություն է աշխարհում, և վստահ եմք, որ շատ լիբանանահայեր մասնակից կլինեն այդ տոնախմբություններին», - ասաց գեներալ Էմիլ Լահուդը:

Հայ Եկեղեցու նշանակալի հոբելյանը մեծ շուքով կտոնախմբվի նաև Լիբանանում, որտեղ գտնվում է Հայ Եկեղեցու նվիրապետական Աթոռներից Մեծի Տանն

Կիլիկիո Կաթողիկոսությունը: Այս առիթով Վեհափառ Հայրապետը եղբայրական իր ջերմ ողջույնը հղեց Կիլիկիո Արամ Ա Կաթողիկոսին:

Հանդիպման ավարտին Վեհափառ Հայրապետը Լիբանանի նախագահին նվիրեց Հայ Եկեղեցու հոգևոր գանձերը պատկերող շքեղագարդ ալբոմ, ի պատասխան որի հնչեց նախագահի հայերեն «շնորհակալությունը»:

«Չեմ կարող իմ ուրախությունը չարտահայտել, որ Լիբանանի առաջին փիլիկը հայ ազգի զավակ է և Լիբանանի ազնիվ քաղաքացի», - ասաց Հայոց Հայրապետը:

Վերջում Լիբանանի նախագահը Նորին Սրբության ուղեկցությամբ եղավ Վեհափառ թանգարանում, ծանոթացավ հայ հոգևոր արժեքներին:

Լիբանանի նախագահին Մայր Աթոռ Ս. Էջմիածին ուղեկցում էին ՀՀ արագորձ-նախարար Վարդան Օսկանյանը, գույգ երկրների դեսպանները: Հանդիպմանը ներկա լիբանանյան պարավիրակության կազմում էր նաև հայազգի նախարար Սեպուհ Նովնանյանը:

ԱՄԵՆԱՅՆ ՀԱՅՈՑ ՀԱՅՐԱՊԵՏԻ ՏՆՕՐԻՆՈՒԹՅԱՄԲ ԿԱՐԳԱԼՈՒՅԾ Է ՀՈՉԱԿՎԱԾ Տ. ՏԻՐԱՆ ԱՐՔԵՊՍ. ԿՅՈՒՐԵՂՅԱՆԸ

Մայր Աթոռ Ս. Էջմիածին, Տեղեկավարության համակարգ, 17 մայիսի 2001 թ.:

Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը մայիսի 15-ի Հայրապետական փնտրիչությամբ կարգալույծ է հռչակել Հայաստանյայց Առաքելական Եկեղեցու Նոր Նախիջևանի և Ռուսաստանի թեմի նախկին առաջնորդ Տ. Տիրան արքեպիս. Կյուրեղյանին՝ Ամենայն Հայոց Կաթողիկոսի Հայրապետական իշխանությանը անհնազանդ, հայ եկեղեցականի ուխտին անհարիր և Հայ Եկեղեցու կանոններին դեմ դադարապարելի գործողությունների համար:

Կարգալույծ արված Սրբազանն այլևս դասվում է աշխարհականների շարքը և կկոչվի ավագանի անունով՝ Ղազարոս Կյուրեղյան: